



ა(ა)იპ სტეფანწმინდის წმინდა ილია მართლის სახელობის სკოლა-გიმნაზია

ა(ა)იპ სტეფანწმინდის წმინდა ილია მართლის სახელობის სკოლა გიმნაზიის
მოსწავლის, პერსონალის, მშობლის/კანონიერი წარმომადგენლის
კანონიერი უფლებების დაცვის მექანიზმები

დამტკიცებულია

ა(ა)იპ სტეფანწმინდის წმინდა ილია მართლის
სახელობის სკოლა-გიმნაზიის დირექტორის
ბრძანება № 39 01.08.2024წ

2024 წ



ა(ა)იპ სტეფანწმინდის წმინდა ილია მართლის სახელობის სკოლა-გიმნაზია

თავი I. მოსწავლის და მოსწავლის მეურვის კანონიერი უფლებები

მუხლი 1. ზოგადი დებულებები

1.1. ა(ა)იპ სტეფანწმინდის წმინდა ილია მართლის სახელობის სკოლა-გიმნაზია (შემდგომში - სკოლა-გიმნაზია) არის ადგილი, სადაც რეალიზდება ბავშვის ერთ-ერთი ფუნდამენტური უფლება - განათლების უფლება. მხოლოდ სკოლა-გიმნაზიის მოსწავლის სტატუსის მოპოვება არ არის საკმარისი ამ უფლების დასაცავად. სკოლა-გიმნაზია ვალდებულია ყოველდღიურად იზრუნოს თითოეული ბავშვის უფლებების დაცვაზე;

1.2. სკოლა-გიმნაზიაში უზრუნველყოფილია სასკოლო საზოგადოების წევრების: მოსწავლეების, მოსწავლეთა მშობლების/კანონიერი წარმომადგენლების (შემდგომ „მეურვის“), სკოლა-გიმნაზიის ყველა პერსონალის კანონიერი უფლებების დაცვა.

ამ მიზნით:

- 1.2.1. სკოლა-გიმნაზიას აქვს შინაგანაწესი;
 - 1.2.2. სკოლა-გიმნაზიას ჰყავს დისციპლინური კომიტეტი;
 - 1.2.3. სკოლა-გიმნაზიას ჰყავს უსაფრთხოების სამსახური/უსაფრთხოებაზე პასუხისმგებელი პირი;
 - 1.2.4. სკოლა-გიმნაზიას ჰყავს ექიმი/ექთანი;
 - 1.2.5. თითოეულ კლასს ჰყავს დამრიგებელი;
 - 1.2.6. სკოლა-გიმნაზიას აქვს სასკოლო სასწავლო გეგმა.
- 1.3. სასკოლო საზოგადოების ყველა წევრს უფლება აქვს ჰქონდეს უსაფრთხო გარემო.

მუხლი 2. მოსწავლისა და მისი მეურვის კანონიერი უფლებები

2.1. მოსწავლეებისათვის მათი უფლებებისა და სკოლა-გიმნაზიის მიერ დადგენილი წესების გაცნობას თითოეული კლასის დამრიგებელი ახორციელებს მათი ასაკობრივი თავისებურებების გათვალისწინებით. ეს შესაძლებელია განხორციელდეს ვიზუალიზაციით, სახელოვნებო/შემოქმედებითი მიდგომების გამოყენებით. დაუშვებელია მოსწავლისათვის უფლებებისა და წესების გაცნობა დოკუმენტზე ხელმოწერით, მოსწავლეში შიშის გრძნობის გაღვიძება, დასჯის შიშის შექმნა და სხვა;

2.2. ინფორმაციას მოსწავლისა და მისი მეურვის უფლებების შესახებ ყოველი სასწავლო წლის დასაწყისში კლასის დამრიგებელი აცნობს ყველა მოსწავლეს და მშობელს;

2.3. თითოეული მოსწავლის მეურვესთან სკოლა-გიმნაზია აფორმებს ხელშეკრულებას, სადაც დეტალურადაა გაწერილი მხარეთა უფლება-მოვალეობები.



ა(ა)იპ სტეფანწმინდის წმინდა ილია მართლის სახელობის სკოლა-გიმნაზია

მუხლი 3. სკოლა-გიმნაზიის შინაგანაწესი

- 3.1. თითოეული მოსწავლე და მისი მეურვე ვალდებულია იცნობდეს შინაგანაწესს;
- 3.2. მოსწავლეებსა და მათ მეურვეებს ყოველი სასწავლო წლის დასაწყისში კლასის დამრიგებელი გააცნობს შინაგანაწესს, ასევე შინაგანაწესში შეტანილ ცვლილებებს, ცვლილების შეტანიდან 5 სამუშაო დღის ვადაში;
- 3.3. თითოეულ მოსწავლეს ან მის მეურვეს უფლება აქვს:
 - 3.3.1. თავისუფლად გამოხატოს საკუთარი აზრი და მოითხოვოს მისი პატივისცემა;
 - 3.3.2. დაცული იყოს არასათანადო მოპყრობის, უყურადღებობისა და შეურაცხყოფისაგან;
 - 3.3.3. არ გაამჟღავნოს ინფორმაცია მისი ჯანმრთელობის შესახებ თუ ეს საფრთხეს არ უქმნის საზოგადოებრივ ჯანდაცვას ან მოსწავლის სიცოცხლეს;
 - 3.3.4. ფლობდეს ინფორმაციას სკოლა-გიმნაზიის მიერ მოსწავლის შესახებ რომელი მონაცემები მუშავდება, მონაცემების დამუშავების მიზანი და სამართლებრივი საფუძველი, რა გზით შეგროვდა მონაცემები, ვისზე გაიცა მის შესახებ მონაცემები გაცემის საფუძვლისა და მიზნის მითითებით;
 - 3.3.5. სკოლა-გიმნაზიის დირექტორთან წარადგინოს საჩივარი/მოთხოვნა სკოლა გიმნაზიის პერსონალის, სხვა მოსწავლის ან სხვა მოსწავლის მეურვის მხრიდან თავისი უფლებების დარღვევის გამო და მოითხოვოს მიყენებული ზიანის სრული ანაზღაურება;
 - 3.3.6. დისციპლინური დევნისას ისარგებლოს დუმილის უფლებით, რაც არ ათავისუფლებს მას დისციპლინური პასუხისმგებლობისაგან;
 - 3.3.7. იცნობდეს სკოლა-გიმნაზიის საგანგებო სიტუაციებზე რეაგირების გეგმას;
 - 3.3.8. სკოლა-გიმნაზიის მიერ დადგენილი წესების დაცვით შეუზღუდავად ისარგებლოს სკოლა-გიმნაზიის ბიბლიოთეკით;
 - 3.3.9. სკოლა-გიმნაზიის ადმინისტრაციასთან შეთანხმებით სკოლა-გიმნაზიის მიერ დადგენილი წესით ისარგებლოს სკოლა-გიმნაზიის სხვა სივრცეებით: სპორტული მოედანი, ლაბორატორიები და სხვა.
 - 3.3.10. შექმნას სასკოლო კლუბები, მოსწავლეთა თვითმმართველობა ან სხვა გაერთიანება.
- 3.4. მეურვეს უფლება აქვს:
 - 3.4.1. მოითხოვოს სკოლა-გიმნაზიის შენობაში შესვლა სკოლა-გიმნაზიის მიერ წინასწარ განსაზღვრულ დროს, ან განსხვავებულ პერიოდში სკოლა-გიმნაზიის ადმინისტრაციასთან შეთანხმებით;
 - 3.4.2. მოითხოვოს ინდივიდუალური შეხვედრა მასწავლებელთან, სკოლა-გიმნაზიის დირექციის წარმომადგენელთან, სკოლა-გიმნაზიის ფსიქოლოგთან, სკოლა-გიმნაზიის ექიმთან;
 - 3.4.3. ფლობდეს ინფორმაციას მოსწავლის მიმართ გამოყენებული დისციპლინური ზომების შესახებ.



ა(ა)იპ სტეფანწმინდის წმინდა ილია მართლის სახელობის სკოლა-გიმნაზია

მუხლი 4. სასკოლო სასწავლო გეგმა

- 4.1. ყველა მოსწავლესა და მის მეურვეს აქვს უფლება იცნობდეს სასკოლო სასწავლო გეგმას. სასკოლო სასწავლო გეგმა განთავსებულია სკოლა-გიმნაზიის ვებგვერდზე (იხ.: ვებგვერდი განახლების პროცესში);
- 4.2. სასკოლო სასწავლო გეგმას ყოველწლიურად შეიმუშავენ სკოლა-გიმნაზია ეროვნულ სასწავლო გეგმაზე დაყრდნობით. სასკოლო სასწავლო გეგმის ზოგიერთი საკითხი შეთანხმებული უნდა იყოს მოსწავლეებთან/მეურვეებთან;
- 4.3. სსსმ მოსწავლის ან სხვა მოსწავლის ინდივიდუალური სასწავლო გეგმა თანხმდება მეურვესთან;
- 4.4. სასკოლო სასწავლო გეგმის ფარგლებში მოსწავლესა და მის მეურვეს უფლება აქვს:
 - 4.4.1. დააფიქსიროს პოზიცია, რომელი უცხოური ენის სწავლებას ისურვებდა III კლასიდან, ხოლო იმ შემთხვევაში თუ 10 მოსწავლეს ექნება იგივე პოზიცია, მოითხოვოს არჩეული მეორე უცხოური ენის სწავლება;
 - 4.4.2. დააფიქსიროს პოზიცია, რომელი არჩევითი საგნის სწავლებას ისურვებდა X კლასიდან, ხოლო იმ შემთხვევაში თუ მოსწავლეთა უმრავლესობას ექნება იგივე პოზიცია, მოითხოვოს არჩეული საგნის სწავლება;
 - 4.4.3. მოითხოვოს სემესტრული გამოცდა სემესტრული ნიშნის ამაღლების მიზნით პირველი სემესტრის შეფასების შემთხვევაში - მეორე სემესტრის დაწყებიდან ერთი კვირის ვადაში, ხოლო მეორე სემესტრის შემთხვევაში - სემესტრის დასრულებიდან ერთი კვირის ვადაში;
 - 4.4.4. საშემოდგომო გამოცდის დაძლევის მიზნით მოითხოვოს კონსულტაცია და შესაბამისი საგნის სახელმძღვანელოები;
 - 4.4.5. მოითხოვოს მასწავლებლის კონსულტაცია **კომპლექსურ დავალებაზე მუშაობის პროცესში**;
 - 4.4.6. კანონმდებლობით დადგენილი ფორმით შინ სწავლებაზე გადასვლის შემთხვევაში მოითხოვოს შინ სწავლება მისთვის მისაღები ფორმით: პირისპირ ან დისტანციურად;
 - 4.4.7. მიიღოს მონაწილეობა სკოლა-გიმნაზიის მიერ ორგანიზებულ არაფორმალურ აქტივობებში;
- 4.4. სასკოლო სასწავლო გეგმის ფარგლებში მოსწავლეს არ აქვს უფლება უარი თქვას რომელიმე სავალდებულო საგნის სწავლებაზე;
- 4.5. მოსწავლეს არ აქვს უფლება მოითხოვოს დაძლეული კლასის განმეორებით გავლა.

მუხლი 5. სხვა უფლებები

- 5.1. თოთოეულ მოსწავლეს ან მის მეურვეს უფლება აქვს:
 - 5.1.1. იცნობდეს დებულებას;
 - 5.1.2. მოსწავლის საჭიროების შემთხვევაში მიმართოს სკოლა-გიმნაზიის ექიმს/ექთანს;



ა(ა)იპ სტეფანწმინდის წმინდა ილია მართლის სახელობის სკოლა-გიმნაზია

- 5.1.3.საჭიროების შემთხვევაში მიმართოს სკოლა-გიმნაზიის ფსიქოლოგს;
- 5.1.4.სპეციალური საგანმანათლებლო საჭიროების შემთხვევაში, სკოლა-გიმნაზიისგან დამოუკიდებლად მიმართოს განათლებისა და მეცნიერების სამინისტროს მულტიდისციპლინურ გუნდს;
- 5.1.5.სკოლა-გიმნაზიის მიერ საკუთარი უფლებების დარღვევის შემთხვევაში მიმართოს სასამართლოს, საქართველოს კანონმდებლობით დადგენილი წესით;
- 5.2.მეურვეს არ აქვს უფლება დაწყებით და საბაზო საფეხურზე განათლებას ჩამოაშოროს არასრულწლოვანი.
- 5.3.მეურვეს არ აქვს უფლება უგულებელყოს მოსწავლის საბაზისო საჭიროებები.

მუხლი 6. სკოლა-გიმნაზიაში მოსწავლის ან მოსწავლის მეურვის მიერ სკოლა-გიმნაზიის მხრიდან მათი კანონიერი უფლებების დარღვევის გასაჩივრება

- 6.1.იმ შემთხვევაში თუ სკოლა-გიმნაზიის დირექტორის, ან სკოლა-გიმნაზიის დისციპლინური კომიტეტის მიერ მოსწავლის ან მოსწავლის მეურვის მიერ წარდგენილი საჩივრის განხილვის შედეგი არ არის დამაკმაყოფილებელი;
- 6.2.თითოეულ მოსწავლეს ან მის მეურვეს უფლება აქვს მიაწოდოს ინფორმაცია რაიონის საგანმანათლებლო რესურსცენტრს სკოლა-გიმნაზიის მხრიდან ნებისმიერი კანონდარღვევის შესახებ;
- 6.3.თითოეულ მოსწავლეს ან მის მეურვეს უფლება აქვს მიაწოდოს ინფორმაცია განათლებისა და მეცნიერების სამინისტროს საგანმანათლებლო რესურსცენტრის უკანონო ქმედების ან უმოქმედობის შესახებ;
- 6.4.თითოეულ მოსწავლეს ან მის მეურვეს უფლება აქვს ნებისმიერ საკითხთან დაკავშირებით საკუთარი უფლებების დარღვევის შემთხვევაში მიმართოს სასამართლოს, საქართველოს კანონმდებლობით დადგენილი წესით.

თავი II. სკოლა-გიმნაზიის პერსონალის კანონიერი უფლებები

მუხლი 7. სკოლა-გიმნაზიის პერსონალის უფლებები

- 7.1.სკოლა-გიმნაზიაში დასაქმებული თითოეული პირის შრომითი უფლებები დაცულია საქართველოს კანონმდებლობით.



ა(ა)იპ სტეფანწმინდის წმინდა ილია მართლის სახელობის სკოლა-გიმნაზია

მუხლი 8. სკოლა-გიმნაზიის პერსონალის მიერ სკოლა-გიმნაზიის შინაგანაწესის ცოდნა

- 8.1. სკოლა-გიმნაზიაში დასაქმებული ყველა პირი ვალდებულია იცნობდეს შინაგანაწესს, ასევე შინაგანაწესში შეტანილ ცვლილებებს, ცვლილების შეტანიდან 5 სამუშაო დღის ვადაში;
- 8.2. თოთოეულ დასაქმებულს უფლება აქვს:
- 8.2.1. იცნობდეს სკოლა-გიმნაზიის საგანგებო სიტუაციებზე რეაგირების გეგმას;
- 8.2.2. სკოლა-გიმნაზიის დირექტორთან წარადგინოს საჩივარი/მოთხოვნა სკოლა გიმნაზიის სხვა პერსონალის ან რომელიმე მოსწავლის ან რომელიმე მოსწავლის მეურვის მხრიდან თავისი უფლებების დარღვევის გამო და მოითხოვოს მიყენებული ზიანის სრული ანაზღაურება;
- 8.2.3. დისციპლინური დევნისას ისარგებლოს დუმილის უფლებით, რაც არ ათავისუფლებს მას დისციპლინური პასუხისმგებლობისაგან;
- 8.2.4. თავისუფლად გამოხატოს საკუთარი აზრი სკოლა-გიმნაზიაში მიმდინარე პროცესებთან დაკავშირებით;
- 8.2.5. ფლობდეს ინფორმაციას მის შესახებ რომელი პერსონალური მონაცემი მუშავდება, მონაცემების დამუშავების მიზანი და სამართლებრივი საფუძველი, რა გზით შეგროვდა მონაცემები, ვისზე გაიცა მის შესახებ მონაცემები გაცემის საფუძვლისა და მიზნის მითითებით;
- 8.2.6. არ გაამჟღავნოს ინფორმაცია მისი ჯანმრთელობის შესახებ თუ ეს საფრთხეს არ უქმნის საზოგადოებრივ ჯანდაცვას;
- 8.2.7. ისარგებლოს კუთვნილი შვებულებით;
- 8.2.8. შეუზღუდავად ისარგებლოს სკოლა-გიმნაზიის სივრცეებით: სამასწავლებლო, ბიბლიოთეკა და ა.შ.
- 8.2.9. თავისუფლად შეიკრიბონ სკოლა-გიმნაზიის ტერიტორიაზე კანონით დადგენილი წესით სკოლა-გიმნაზიის წინასწარი შეტყობინების საფუძველზე;
- 8.2.10. ფლობდეს ინფორმაციას სკოლა-გიმნაზიის ბიუჯეტისა და წლიური სამოქმედო გეგმის შესახებ.

მუხლი 9. იცნობდეს სასკოლო სასწავლო გეგმა

- 9.1. სკოლა-გიმნაზიის ყველა პერსონალს აქვს უფლება იცნობდეს სასკოლო სასწავლო გეგმას. სასკოლო სასწავლო გეგმა განთავსებულია სკოლა-გიმნაზიის ვებგვერდზე (იხ.: ლინკი ssgimnazia.ge). გამონაკლისს წარმოადგენს ინდივიდუალური სასწავლო გეგმები, რომლის გაცნობის უფლება აქვთ მხოლოდ უფლებამოსილ პირებს;
- 9.2. მასწავლებელს უფლება აქვს:



ა(ა)იპ სტეფანწმინდის წმინდა ილია მართლის სახელობის სკოლა-გიმნაზია

- 9.2.1. მოითხოვოს სრული საათობრივი დატვირთვა იმ საგანში/საგნობრივ ჯგუფში, რომელშიც ჩაბარებული აქვს საგნის გამოცდა;
- 9.2.2. ობიექტური მიზეზების გამო უარი თქვას მოსწავლის შინ სწავლებაზე პირისპირ მეთოდით;
- 9.2.3. მიმართოს სკოლა-გიმნაზიის ადმინისტრაციას შესაბამისი სასწავლო რესურსების (თვალსაჩინოება, დამატებითი სახელმძღვანელო, მეთოდური რესურსი) შეძენის მოთხოვნით;
- 9.2.4. აიმაღლოს კვალიფიკაცია, რისთვისაც 6 წელიწადში ერთხელ უფლებამოსილია მოითხოვოს ანაზღაურების გარეშე შვებულება 1 წლამდე ვადით, სამუშაო ადგილის შენარჩუნებით;

მუხლი 10. სკოლა-გიმნაზიაში პერსონალის მიერ სკოლა-გიმნაზიის მხრიდან მათი კანონიერი უფლებების დარღვევის გასაჩივრება

- 10.1. იმ შემთხვევაში თუ სკოლა-გიმნაზიის დირექტორის, ან დისციპლინური კომიტეტის მიერ სკოლა-გიმნაზიის მასწავლებლის ან სკოლა-გიმნაზიის ნებისმიერი სხვა პერსონალის მიერ წარდგენილი საჩივრის განხილვის შედეგი არ არის დამაკმაყოფილებელი, თითოეულ პირს უფლება აქვს მიაწოდოს ინფორმაცია რაიონის საგანმანათლებლო რესურსცენტრს სკოლა-გიმნაზიის მხრიდან ნებისმიერი კანონდარღვევის შესახებ;
- 10.2. თითოეულ მასწავლებელს ან სკოლა-გიმნაზიის ნებისმიერ სხვა პერსონალს უფლება აქვს მიაწოდოს ინფორმაცია განათლებისა და მენიერების სამინისტროს საგანმანათლებლო რესურსცენტრის უკანონო ქმედების ან უმოქმედობის შესახებ;
- 10.3. თითოეულ მასწავლებელს ან სკოლა-გიმნაზიის ნებისმიერ სხვა პერსონალს უფლება აქვს მიაწოდოს ინფორმაცია სსიპ განათლების ხარისხის განვითარების ეროვნულ ცენტრს სკოლა-გიმნაზიის მიერ ავტორიზაციის პირობების დარღვევის შესახებ;
- 10.4. თითოეულ მასწავლებელს ან სკოლა-გიმნაზიის ნებისმიერ სხვა პერსონალს უფლება აქვს ნებისმიერ საკითხთან დაკავშირებით საკუთარი უფლებების დარღვევის შემთხვევაში მიმართოს სასამართლოს, საქართველოს კანონმდებლობით დადგენილი წესით.